

nákvæma skrá yfir þær. Kvenfélaginu Eining ber að kjósa tvo endurskoðendur reikninga sjóðsins, og skulu þeir hafa erftirlit með að skipulagsskrá hans sé fylgt. Þeir skulu vera búsettir í Höfðakaupstað.

6. gr.

Markmið sjóðsins er að heita sér fyrir og styrkja sjúkrahúsbyggingu í Höfðakaupstað, einnig megi verja sjóðnum til annarra heilbrigðismála hér í Höfðakaupstað.

7. gr.

Þegar sjóðurinn, að dómi sjóðsstjórnar, er orðinn nægilegur til að hefja sjúkrahúsbyggingu, skal þegar byrja á byggingunni.

8. gr.

Með skipulagsskrá þessari er úr gildi numin skipulagsskrá fyrir Sjúkrahússjóð Höfðakaupstaðar frá 3. október 1947.

9. gr.

Leita skal staðfestingar forseta Íslands á skipulagsskrá þessari, og hún birt í B-deild Stjórnartíðina.

Staðfesting forsetans á skipulagsskrá fyrir Minningar- og Líknarsjóð Kvenfélags Laugarnessóknar, útgefin á venjulegan hátt að mandatum af dómsmálaráðherra 7. júlí 1969.

Skipulagsskráin er þannig:

SKIPULAGSSKRÁ

fyrir Minningar- og Líknarsjóð Kvenfélags Laugarnessóknar, Reykjavík.

1. gr.

Sjóðurinn heitir Minningar- og Líknarsjóður Kvenfélags Laugarnessóknar.

2. gr.

Sjóðurinn var stofnaður af fjölskyldunni á Laugarnesvegi 50, til minningar um látna systur og mágkonu, Rannveigu J. Einarsdóttur, er dó 7. janúar 1946. Stofnfé sjóðsins var kr. 1000.00 (eitt þúsund krónur).

3. gr.

Tilgangur sjóðsins er að styrkja sjúka félaga eða aðra, sem félagskonur langar til að gleðja, þegar þrengir að.

4. gr.

Tilgangi sínum hyggst sjóðurinn að ná með því að auka stofnféð á þann hátt að gefa út minningarkort, halda hlutaveltu, bazar og þess háttar.

5. gr.

Stjórn sjóðsins skipa 3 konur og 2 til vara. Starfstími þeirra skal vera eitt ár í senn. Kosnar skulu þær vera á aðalfundi félagsins, er halda skal í febrúarmánuði ár hvert. Stjórnin skiptir sjálf með sér verkum. Tveir endurskoðendur skulu kosnir á aðalfundi ár hvert, og skulu þeir starfa árlangt, eins og stjórnin.

6. gr.

Stjórnin skal ávaxta sjóðinn á tryggum stað. Hún ræður úthlutun úr sjóðnum, og heldur fundi svo oft sem þurfa þykir. Formaður boðar fundi. Einfaldur meiri hluti atkvæða, stjórnar og varastjórnar, ræður úrslitum, þegar taka skal ákvarðanir um gjafir eða styrki úr sjóðnum. Í öðrum málum ræður einfaldur meiri hluti atkvæða aðalstjórnar. Stjórnin leggur fram endurskoðaða reikninga sjóðsins árlega á aðalfundi kvenfélagsins. Skulu reikningarnir miðaðir við almanaksárið.

Stjórnin skal hafa alla forgöngu um fjáröflun til sjóðsins.

7. gr.

Beiðni um styrk úr sjóðnum má senda einhverri úr stjórn sjóðsins. Stjórnarmeðlimir mega eiga frumkvæði að styrkveitingum, ef augljós þörf er, eða þeir vilja láta bróðurþel og kærleika félaganna koma fram í gjöf frá sjóðnum.

8. gr.

Ekkert má veita úr sjóðnum, fyrr en hann er orðinn kr. 100 000.00 — eitt hundrað þúsund krónur —, og þá upphæð má ekki skerða. Þegar sjóðurinn hefur náð þessari upphæð, má veita úr honum, eftir fjárbag sjóðsins hverju sinni. Verðbréf, sem sjóðnum kunna að áskotnast, skulu leggjast við höfuðstól, og fer um ráðstöfun vaxta þeirra eins og um aðra vexti sjóðsins.

9. gr.

Hætti Kvenfélag Laugarnessóknar störfum, skal sjóðurinn geymast í vörzlu biskups, þar til annað félag verður endurvakið á sama stað, er starfi að sama marki miði og samþykki skipulagsskrá þessa í aðalatriðum.

10 gr.

Skipulagsskrá þessari má ekki breyta, úr fella eða við auka, nema rætt hafi verið á tveim félagsfundum, hvorum eftir annan, og skal annar fundurinn vera aðalfundur. Breytingar eru því aðeins gildar, að þær hafi fengið $\frac{2}{3}$ hluta greiddra atkvæða á síðari fundinum.

11 gr.

Leita skal staðfestingar á skipulagsskrá þessari og er þar með úr gildi fallin eldri skipulagsskrá sjóðsins frá 31. marz 1952.

Reykjavík, 24. júní 1969.

Í stjórn Minningar- og Líknarsjóðs Kvenfélags Laugarnessóknar.

Sigríður Ásmundsdóttir. Ásta Jónsdóttir. Jenny Bjarnadóttir.

G J A L D S K R Á**fyrir Vatnsveitu Bíldudals.**

1. Árlegur vatnsskattur. Af fasteignamatsverði húsa skal greiða árlegan vatnsskatt 1.2%. Lágmark kr. 500.00.
2. Aukavatnsskattur. Sé vatn notað til annars en heimilisnotkunar og vatn ekki selt eftir mæli, skal greiða af fasteignaverði húsa árlegan aukavatnsskatt 1.2%.